

عدد — ۸۷

مور اداره و تحریریه و اعلانات و سازه
ایچون مدیر مسئوله مباحث ایدلملیدر.

صرفای امتک مقالات منصفانه لرینه
حریده سوفیه تک حقیقه لری آچقه بیدر.
درج ایدلمان اوراق اعاده انداز ،

جریده تصوفی

شیمدینک هفته ده بر نشر اولنور .

نسخه سی ۲۰ پاره در

ابونه سی : بر سنک اعتبارله ممالک
عثمانیه ایچون ۴۰ الی آبلعی ۲۵ فروش
وممالک اجنبیه ایچون اون ایکی فرانقدر

حل اداره باب عالی جوارنده ابوالسمود
جاده سیده نجم استقبال مطبعه سی

تصوفی ، دینی ، اخلاقی ، سیاسی جریده اسلامیة در

مدوحه طریق شعرايه مخالف اولوب قطعياً انلره بکزه مزدي جناب حق شعرايي ذم ايندي . فقط انلردن ده درت صفت ايله متصف اولانلري استثنا بيوردي . اولاً ايمان ايدنلري ثانياً عمل صالح کوسترنلري ثالثاً شعرلري توحيد و نبوته و خلق حقّه دعوت و حقوق اسلاميه يي مدافعه يه مصروف اولانلري رابعاً برکسي يي هجو ايتيهرک يالکيز هجو قارشو بولانلره ياردم ايدنلري تفريق ايلدي . دنيلدي که بو استنادن مقصود اولان ذوات عبدالله بن رواحه و حسان بن ثابت ايله کعب ابن مالک و کعب بن زهير رضوان الله عليهم حضراتيدر . رسول اکرم افندمن حضرتلري انتخاب ايتدنکري اشبو درت شاعر نامداري قريشک هجوا هجومه قارشو مدافعه ايله امر بيورديلر حتی حسابن ثابته سويله روح القدس سنک ايله برابردر بيوردي .

خالص

فلسفه

لاهور و ناهوت ۵۷

مرتبه و لاينده تفاوت درجه قريدهدر . صور غيبه يي کشف ايدمه يان برکيمسه کشف ايدندن افضلدر . مرتبه قربک لزومي کشف ايدمه نامکدهدر . جمله کرامات : موهبه حقدر . کرامات و خوارق ظهوري تقويت يقين ايچون اولورسه زمره يقينانه لزوم وارميدر ؛ اهل معرفت فراستي طائيفه تعلق ايدر . بو محيطده اکثر خلق اهل انقطاعدرلر ، چونکه اشتغالاتي يالکيز دنياه حصر ايتشلردر . کشف صور و اخبار معيات مخلوقات ايله مشغول اولورلر ، فقط بو شايان اعتلا بر مرتبه دکلدر .

خواص اهل الله کشف اهل حقيقتدن و حق سبحانه و تعاليدن خبر و برر ، مدت حياتي محبوبنک سوزلريله کچيرر . محبوبدن بحث ايتمکدن الذرشي تصور ايديلورمي ؛ اوندن بشقه هيچ بر اهل ارزوشي و ذوق يوقدر ، اگر اونلر اهل حق اولمش اولسهر ايدی او جماعتک حالندن و سائر مخلوقاتک اخبار غيبه سندن خبر و برلر ايدی ديرلر . اونلر کشف احوال قدرتک بولمدينه ذاهب اولورلر ، فصل قدرت استريورسکيز کشف امور ايچون بوندن ده اعلی قدرت اولورمي . فراست اهل معرفت ذات و صفات و افعال واجبه تعلق ايدر ، فقط بونلر حقيقه حصول پذير اولی اوته کيده يعني کشف صور غيبه يه ظهور ايتمک باشلار ايسه ده اهميتدن عاريدر ، اونلر قياس فاسد ليله بریکيلرک ارتقا اينديکي مرتبه دن محروم اولورلر . حق تعالی و تقدس او کسه نك حمايه سي فرمان بيورمش و جناب قدس ذاتيله مشغول قيلمشدنر . اونلري ماسواي

ذاتيسندن حمايه و غيرت احسان ايدر . مرده بر محيطي اونلر واسطه سيه احيا ايدر . اونلر خلقک احواله معترضدر . اوصلاحي حضور جناب قدسدن اخذ و تلقی ايدرلر ، بعض اولاي کرامدن کرامات و خوارق کثيره ظهور ايدر فقط انجاسنده او ظهور ايدن کرامتدن نادم اولورلر . کاشکه بو کرامت بندن ظهور ايتمه ايدی ديرلر ، کثرت ظهور خوارق تفصيليه سويله يه ايدی آداب ولايتک شروطنه مانع اولوردی ، ولی غير وليدن فصل متميز ؛ بحق مطلقن فصل جدا اولور . بحق و مطلق امتزاجي بعضاً تفريق ايديله يه جک درجه ده قاريشير حقک باطل ايله اختلاطی بر نشته دنويدر . ولايت وليک عالمته پيوسته اولماز ، نبوته خوارقندن جاره يوقدر که بی غير نيدن فرق ايدمش اولسون نينک نبوته علم واجيدر . ولی شريعت بی ايله دعوت ايدر ، نينک معجزه سي اوکا کافيدر ، اگر ولی ماورای شريعته دعوت ايدیدی خوارقه لزوم حس ايديلور ايدی . مادامک اونک دعوتی نينک شريعته مخصوصدر خارقيه لزوم يوقدر ، علما ظاهر شريعته دعوت ايدرلر اوليا ايسه ظاهر شريعتي کوسترر باطنی قصد ايدرلر . مريدان و طالبان حق اولانلرک توبه و انابه سنه دلالت ايدرلر اتیان احکام شرعيه يي ايفايه ترغيب و ذکر حق سبحانه يه تشويق ايدرلر ، انسان جميع اوقاتده ذکر آلله يه مستغرق اولمی ايشته او وقت زمانه فيلسوفلرينک الک يوکسکنک او بلند عد ايتديکمز فقره لر يي الک آلجی کورير ايشته او وقت هر طرفي شايان تنقيد بولور فقط بونلرله اوغراشمق اضاعه و قته سبب اولور ، بو کجي ذوات جميع ماسودن نسيان طوبی آتارلر عيد و صالی او وقت کوسترلر ، اگر تکلف ايله ياد اشيا لازم کلورسه يقيناً او تخطره کلز بونک ايچون دعوت ولی ظاهر شريعتله باطنه تعلق ايدر .

مريد رشيد و طالب مستعد هر ساعت سلوک طريقته خوارق و کرامت پيري کورر بزنلر . کوردک يقسامدن طوتوب يره می اورمديلر ؟ تلف نفسده قور تارمديلر می ؟ بونلرک هبسي اولدی کچدی | هذا من فضل ربی | معامله غيبی اوندن هر زمان ظهور ايدر ، اگر مريد خوارق پيري احساس ايدمه ماز ايسه پير اولدل مرده يي زنده ايدر ، مشاهده و مکشفه يي اکلامق صورتيله حس مريد تبديل و قورانه باشلار ، نزد عوامده جسندی احيا فصل بر امر عظيم ايسه نزد خواصده دخی احياي قاي و روحی رفعت شانه برهان عظيمدر . بعض کسه لر احياي جسدي بر امر عظيم ظن ايتشلر ايسه ده اهل الله او احيا دن اعراض و احياي زوحی ايله مشغول اولمشلردر . طالب مرده يه احياي دل لازم احياي جسديک احياي قلبه و روحه نسبتی طريقده مطروح و بودم نظر عبث ايله اشتغالدر ، اوج کونلک سبب حياتي تنظيم بر امر عظيم اولورمي ؛ احياي قاي و سيله حيات ابدی دکلدر ؛ وجود اهل الله بر کرامت عظمادر ، خلقی حقّه دعوت ايسه عين رحمت دکلدر . احياي قلوب اموات ؛ غنيمت

روز گردز . [بهم میطرون و بهم برزقون] باطلدن جدا اولان شخص محقق ویدر ، عدالت و التزام احکام شرعیه ظهور ایتدیکه فرج فراوان حاصل وحق یولنده ذوقلر پیدا اولمغه باشلار ، عالمک عدل و عدالتی اولماز ایسه اونی ناظم امور تنظیم وملت محمدیه عزت و نصرت بخش ایدر [الحکم الشرع تحت السیف] شریعت غیرانک رواجی حسن اهتمام سلاطین عظامه مربوطلر .

دور بینان بارگاه الست
پیش ازین پی نبر ده اندکه هست

عزیز

لوامع

دن مابعد

رباعیه

ای جان و دل آخر بجه نالت خوانم هم جانی و هم دل بکدامت خوانم
چون یافت شب تمام عالم ز تو نور معذورم اگر ماه تمامت خوانم

ای جان و کوکل ! سنی نه نام ایله جاغیرایم ؛ هم جانمک هم کوکل هانکیسی ایله دعوت ایدهیم ؛ مادامکه بتون عالمک کیجه سی سندن تنور ایتشدن سکا ماه تمام دیسه هم دخی معذورم . ایشه او حقیقتدن (بدر) ایله و محبتدن (مدامه) ایله تعبیر ایدلدکن صوکره مادامکه بادیه ضلال و کراهی تشنه لری محبت الهی راح ساسیانی و مودت و آگاهی شراب زنجیلنی محضا او حقیقتک یاردمی ایله شرب و تجرع ایتمه واصل اوله بیلیورلر حقیقت مشار الیهایی شراب مذکوره کاس و جام ، ظن اعتبار ایتک ممکن اولور

رباعیه

دورمه از رخسار توای ماه تمام جامی است کز ان خورم می عشق مدام
از بس که فتاده بخودم زین می و جام می چیست نمی شناسم و جام کدام

ای ماه تمام ! سنک رخسارک - که ذاتا بیانه قر اوندن عبارتدر - بر قدحدرکه بن شراب عشقی متادیا اورادن ایچرم . مع هذا بو شراب و قدحک تأثیریه صوکره درجه بخود اولدیغمندن شراب نه در ؟ قدح هانکیسیدر ؛ طانیه میورم

بوکاسی اداره به اسماء الوهیتدن ، اوصاف ربوبیتدن - که حدیث صحیحده ، مؤمنک قلبی اصابع رحانندن ایکی اصبع آره سنده در . دیبه آندن اصابع ایله تعبیر بیورولمشدر - بشقه تصدی ایدن بولنه میه جفتدن انکشت ساقی دن کنایه اولان (هلال) ایله بوکا اشارت اولمقی و کاسک اداره سنی ده بوکا اسناد ایتک ممکن اولور .

رباعیه

این بزم چه بزمستکه ارباب کمال نوشندی محبت ازجام جمال
بین برکت ساقی قدح مالا مال بدری که بود مدیر آن چند هلال
بو مجلس ناصل بر مجلسددرکه ارباب کمال ، شراب محبتی جام
جلالند ایچورلر ساقینک الزده مالا مال ویدر منیر کبی اولان قدحی
کورکه بر قاچ هلال دخی اونی اداره و اناله ایدیور . لامعه ، کلین و اصلین ایکی قسمدر . قسم اول : حضرت جلالة مقرب اولان بر جماعت ممتازه درکه درجه کماله وصولدن صوکره دیگرلری تکمیل و طیفه سی اونلره حواله و تفویض بیوروله مشدر . فقط اونلره شراب عشق و محبتی اولقدر صومشلددرکه مشار الیهیم حضراتی کندیلکلرندن آلمشلددر بیانه عایه بحر جمعه مستغرق در بشقه عقل و علمندن بستیون منخلع اولدقلرندن احکام شریعت ، آداب طریقت اونلردن مرتفع اولمشدر . بلکه انلر قباب عزتک سکائی و دریای حیرتک قبطانی درلر کندی وجودلرندن خبردار دکلددر شو حالده دیگرلریله مشغول اولمغه ناصل قادر اوله بیایرلر ؛

رباعیه

خوش وقت کسیکه می درین میخانه ازخم و سبو خورد نه از پیمانه
صدبار اگر نیست شود عالم دهشت واقف نشودکه هست عالم بیانه
بو میخانه ده بختیار او ذاتدرکه شرابی قدحدن دکل بایک اصل
کوبدن و سبودن ایچدی و شو حالده عالم ، یوز دفعه وار و یوق اولسه
بیلد واقف اولمه که عالم وارمیدر یا خود یوقی ؟

قسم ثانی دخی آنلردرکه اونلری کندیلکلرندن آلدقندن صوکره تصرف جمال ازلی بر دها انلری کندیلرینه اعاده ایدر و عین جمع و لجه فتاده کی استغراقدن تفرقه ساحلنه و بقا میداننه خلاص بولمقی اونلره تسهیل ایار شو حالده مشار الیهیم حضراتی احکام شریعت ، آداب طریقه معاودت ایدرلر و جذب محبت شراب زنجیلنی ، علم و معرفت زلال سلسیلنه قاتارلر ایشه او آلب بو شرابه مزج ایدلمسندن چوچه آثار معارف و اسرار حجاب نجومی میداننه کلیر اونلرک هریری ده بیابان ضلال و حیرت ظلماتی فرد مانده لرینه نجم هدایت اولور . مأمولدرکه ناظمک قدس سره « وکم بیدو اذا مزجت نجم » قوی بو طائفه مخصوصه تک احواله اشارت اوله بیایر .

رباعیه

این طائفه معاطق اند از قید رسوم فارغ شده زاننده احوال و علوم
بر ظاهرشان لوازم نور هدی لادین نجوم الشیاطین رجوم
بو طائفه قید رسومندن بستیون آزاده و اندیشه احوال و علومندن
فارغ اولمشلددر بلکه نور هدایت بونلرک ظاهرنده لامع اولوب
کندیلری عادتاً دینک نجومی ، شیاطینک رجومی درلر .

کمال الدین خیر بوطی

مابعدی وار